

**BOSNA I HERCEGOVINA**  
**Agencija za razvoj visokog**  
**obrazovanja i osiguranje**  
**kvaliteta/kvalitete**  
**Banja Luka**



**БОСНА И ХЕРЦЕГОВИНА**  
**Агенција за развој високог**  
**образовања и обезбјеђивање**  
**квалитета**  
**Бања Лука**

*Agency for Development of Higher Education and Quality Assurance*

**Saopštenje sa 11. sjednice Upravnog odbora Agencije za razvoj visokog  
obrazovanja i osiguranje kvaliteta**

održane 27.09.2010.godine u Banjaluci

Jedanaesta sjednica Upravnog odbora Agencije za razvoj visokog obrazovanja i osiguranje kvaliteta održana je 27.septembra 2010. godine u Banjaluci.

Na sjednici kojom je predsjedavao predsjednik prof. dr Mišo Kulić, članovi Upravnog odbora upoznati su sa Izvještajem o radu Agencije za razvoj visokog obrazovanja i osiguranje kvaliteta za period od 01.01.2010.-30.06.2010.godine. U uvodnom izlaganju zamjenik direktora mr Jugoslav Vuk Tepić istakao je da su u izvještajnom periodu nastavljene aktivnosti na daljem institucionalnom jačanju Agencije i stvaranju organizacionih, tehničkih i drugih uslova za izvršavanje poslova i zadataka u skladu sa Okvirnim zakonom o visokom obrazovanju u BiH. U izvršavanju nadležnosti koje se odnose na razvoj visokog obrazovanja u BiH i osiguranje kvaliteta u ovoj oblasti, Agencija je provela procedure i niz aktivnosti koje se odnose na utvrđivanje liste domaćih i međunarodnih stručnjaka koji ocjenjuju i obavljaju reviziju kvaliteta i daju preporuke o akreditaciji, te izradu jasnih, transparentnih i pristupačnih Kriterija za akreditaciju visokoškolskih ustanova u BiH. Obezbeđeno je međunarodno prisustvo Agencije putem članstva u evropskim i međunarodnim asocijacijama za osiguranje kvaliteta u oblasti visokog obrazovanja, a uz to je uspješno implementirano više međunarodnih projekata koji se odnose na reformu visokog obrazovanja u BiH, zaključio je Tepić.

Na sjednici Upravnog odbora pokrenut je postupak za izbor članova Upravnog odbora kojima ističe mandat.

Članovi Upravnog odbora odložili su raspravu o prijedlogu dokumenta „Smjernice uz kriterije za akreditaciju visokoškolskih ustanova u BiH“.

Upravni odbor je zadužio Agenciju da finalizira radne verzije i pripremi prijedloge dokumenata „Kriteriji za akreditaciju studijskih programa“ i „Minimalni standardi i normativi u visokom obrazovanju BiH“.